

CANOL TREFI GRANT GWRTHSEFYLL LLIFOGYDD CYFARWYDDYD

Gofyn am Ffurflen Gais
Anfonwch e-bost gydag **enw'ch busnes** a'ch **cyfeiriad masnachu llawn** i;

✉ adfywio@rctcbc.gov.uk



GRANT GWRTHSEFYLL LLIFOGYDD - CANOL TREFI CYFARWYDDYD

Pwrpas y Gronfa

Ym mis Chwefror 2020, bu tywydd garw heb ei debyg yn sgil Storm Dennis - gyda thair afon yn Rhondda Cynon Taf yn cyrraedd y lefelau uchaf a gofnodwyd erioed. O ganlyniad, cafodd nifer sylweddol o fusnesau eu heffeithio'n ddifrifol gan lifogydd.

Bydd y Grant Gwrthsefyll Llifogydd yn darparu cymorth i fusnesau weithredu mesurau i'w heiddo a fydd yn gwella gwytnwch busnes wrth ddelio ag unrhyw dywydd garw posibl yn y dyfodol.

Pwy sy'n gymwys i wneud cais?

Busnesau bach a chanolig eu maint wedi'u lleoli yn ardaloedd manwerthu'r Canolfannau Trefi canlynol - Aberdâr; Glynrhedynog; Llantrisant; Aberpennar; Pontypridd; Y Porth; Tonypanyd a Threorci

Caiff busnesau a all ddangos bod llifogydd wedi effeithio arnyn nhw yn ystod Storm Dennis eu blaenoriaethu.

Beth mae'r Rhaglen yn gallu'i ariannu?

Mae enghreifftiau o'r math o waith y gallai'r grant ei gefnogi yn cynnwys;

- Drysau Mewnol
- Llifddorau i ddrysau
- Gorchuddion llawr a sgertin Upvc
- Byrddau gwrthsefyll lleithder ar gyfer waliau mewnol
- Codi pwyntiau pŵer yn uwch

Os nad ydych chi'n berchen ar yr eiddo, bydd angen i chi gyflwyno caniatâd ysgrifenedig gan y Landlord i gyflawni'r gwaith.

Faint o arian rydw i'n cael gwneud cais amdano?

Mae modd i'r Gronfa gyfrannu hyd at 75% o gostau prosiect cymwys, hyd at uchafswm y grant, sef £7,500. Os ydych wedi'ch cofrestru ar gyfer TAW, mae modd i chi wneud cais am gost TAW does dim modd ei adennill yn unig.

Sut ydw i'n Cyflwyno Cais?

Bydd angen i chi gyflwyno ffurflen gais wedi'i chwblhau'n llawn gyda'r holl wybodaeth ategol ofynnol wedi'i nodi ar y ffurflen.

Cofiwch, o ystyried y sefyllfa bresennol, bydd angen cyflwyno'ch cais a'ch gwybodaeth ategol trwy e-bost gan na allwn ni dderbyn unrhyw gopiâu papur.

Sut bydd fy nghais yn cael ei brosesu?

Bydd eich cais yn destun gwiriad dilysu cychwynnol er mwyn sicrhau eich bod chi wedi cyflwyno'r holl wybodaeth gywir.

Os nad oes modd dilysu'ch cais, bydd yn cael ei ddychwelyd atoch chi gydag eglurhad ynghylch pam na ellir ei ddyfarnu i chi ar hyn o bryd. Mae croeso i chi ailgyflwyno'ch cais pan fyddwch chi'n gallu darparu'r holl wybodaeth angenrheidiol. Bydd angen derbyn unrhyw ailgyflwyniadau erbyn y dyddiad cau, sef 6 Tachwedd 2020.

Os yw'ch cais yn cael ei ddilysu, bydd yn cael ei asesu pan fydd y rownd ariannu wedi cau a byddwn ni'n rhoi gwybod i chi am ganlyniad y cais.

Os byddwch chi'n llwyddiannus, byddwch chi'n derbyn llythyr gyda manylion y grant a'i delerau ac amodau. Os ydych chi'n dymuno derbyn y grant bydd angen i chi lofnodi'r telerau ac amodau a'u dychwelyd aton ni.

Does dim sicrwydd y bydd pob cais yn llwyddiannus.

Sut bydd y grant yn cael ei dalu?

Fel rheol, bydd y taliad yn cael ei wneud wedi i chi gwblhau'r prosiect ac ar ôl i chi gyflwyno canlynol;

- Anfonebau
- datganiadau banc i dystiolaethu bod taliadau wedi'u gwneud i'r cyflenwr/contractwr;
- Yswiriant Atebolrwydd Cyhoeddus
- cadarnhad o unrhyw gydsyniadau statudol e.e. caniatâd cynllunio / rheoliadau adeiladu (os yw'n berthnasol)
- tystiolaeth ffotograffig o'r offer gafodd ei brynu a'r gwaith gafodd ei wneud

Fel arfer, byddwn ni'n talu'r grant yn seiliedig ar y gost leiaf – naill ai'r dyfynbris gwreiddiol neu bris yr anfoneb derfynol.